

INDEX GEOGRAPHICUS. 13

Apheca cujus meminit Josue 13. v. 4. melius cum Aphec, quæ in Tribu Isachar, quam cum Apheca Tribus Judæ convenit.

Apherima, 1. Machab. 11. v. 34. est inter civitates tres, quas ex Samaria ademptas, Judææ addidit Rex Demetrius; eæ sunt . . . & Lydda, & Ramatha. Apherima desideratur in Vulgata Lectione Latina, quæ in codicibus græcis prima describitur. Eas urbes Josephus etiam nominat Apheremam, Lyddam & Ramatham, lib. 13. cap. 8.

Aphœci propè Antipatridem Turris, in quam cum multitudo Judæorum se collegisset, Cestius appropinquans eos disperfit, Turrimque cum vicis circumpositis incendit, Joseph.

Apollonia, Act. Apost. 17. v. 1. de Paulo, & Sila. Cum perambulassent Amphipolim, & Apolloniam, venerunt Theffalonicam. Hæc Apollonia est in Macedonia, inter Amphipolim & Theffalonicam.

Apollonia alia est Josepho 13. Antiq. 23. inter Stratonis Turrim, & Joppen, sic & Ptolem. lib. 5. c. 16. Apollonia inter Cæsaream Stratonis & Joppen. & Plin. lib. 5. c. 13. Apollonia inter Joppen, & Stratonis Turrim, eandemque Cæsaream; & Tabulæ Itiner. Romanæ Apollonias est à Cæsarea 22. M. P. à Joppe . . . (Milliariorum hic numeri desiderantur) Apollonia ergo cum Turre five Cæsarea Stratonis non eadem est, ut quidam putant; cum utriusque loci hic ubique mentio sit: neque etiam cum Accarone eadem urbs est, ut alii dixerunt, cum ab Joppe Apollonia sit ad Septentrionem Cæsaream versus. Accaron versus Meridiem in itinere ad Gazam; interpositis à Joppe Accaronem Iamniâ & Geth; ab Accarone Gazam Azoto & Aſcalone.

Appii Forum, in itinere Pauli, cum Romam duceretur. Appii Forum est inter Puteolos, & Tres Tabernas. Act. Apost. 28. v. 15.

Aquæ Maserephoth locus & Salinæ, quousque Iosue persecutus est Iabin Regem Aſor, & ipsi socios Reges, populosque; quos omnes devicerat ad Aquas Merom, Iosue 11. v. 8. iterumque 13. v. 6. Omnes qui habitabant in monte, à Libano usque ad aquas Maserephoth, universique Sidonii. Ego sum (ait Dominus) qui delebo eos.

Aquæ Merom, Iosue 11. v. 5. Convenerunt omnes Reges isti in unum locum, ad Aquas Merom, ut pugnarent contra Israël, v. 7. Venit Iosue adversus illos ad Aquas Merom, vers. 8. tradiditque illos Dominus in manus Israël, qui percusserunt eos, & persecuti sunt usque ad Sidonem magnam, & Aquas Maserephoth, campumque Maspha. Aquæ Merom sunt Samachonitis vel Semechonitis lacus Iosepho. Cæterum Reges ii viginti quatuor erant, quos Iabin Rex Aſor convocarat, & armaverant trecenta millia peditum, decem millia equitum, currus, &c. Iosue currus combussit, equos subnervavit, homines, Regesque occidit.

Ara, 1. Paralip. 5. v. 26. Et transtulit (Teglath-phalasar) Ruben, & Gad, & dimidiam Tribum Manasse, & adduxit eos in Lahela, & in Habor, & Ara, & fluvium Gozan, 4. Regum 17. v. 6. & transtulit Israël in Assyrios, posuitque eos in Hala, & in Habor, juxta fluvium Gozam in civitatibus Medorum. Ara videtur eadem, quæ & Haran, & Charan, ut dicemus in Charan.

Arab, prima describitur inter urbes septimæ partis Tribus Iudæ, Iosue 15. v. 52.

Arabia Aſiæ Majoris Regio amplissima, & quæ solis Semi posteris possidenda. Ea tamen divisa fuit inter filios Chus filii Cham; & filios Iectan filii Heber, filii Sale, filii Arphaxad, filii Sem. Vide Chus, & Iectan. 3. Reg. 10. v. 15. & 2. Paralip. 9. v. 3. de auro, quod omnes Reges Arabiæ Salomoni afferebant.

Arac filiorum Chanaan septimus, unde Aracæi, Genes. 10. v. 17. & 1. Paralip. 1. v. 15. Eos autem ad Arabiæ partem eam rejicio, quæ Pe-

Latit.
Gr. Scr.

Longit.
Gr. Scr.

32 7½ 66. 14.

32. 16. 66. 17.

42. 0. 48. 25.

32. 19. 66. 12½

41. 25. 35. 25.

33. 37½ 67. 11.

33. 4. 67. 57.

35. 50. 74. 30.

31. 7. 66. 22½

25. 0. 80. 0.

30. 5. 68. 15.